

ILHAQVINGNUT PIVIGHALIK ILUANI!

**AKIMALUTIT ATAUHIQMIK PINGAHUUYUNIT
\$500-TAALAMIK TAKTAGHANIK ILHAQVINGNUT!**



2019

UNIPKAATIT, NIPIVIT

A K I R A U T I T

Titirauyaqtunik akirautiniaqtut tamangnit ilihaqvingnit Nunavunmi qauhitivalliatjutigiyumayait nutaqqat pilaarutainik havaangillu Havaktiuyuq Nutaqqanut Inulramminullu Havakviat.



ᐃᑕᓐᓴᓐᓴᓐ ᐱᓐᓴᓐᓴᓐ
ᐱᓐᓴᓐᓴᓐ

**NUTAQQANUT INULRAMIRNULLU
UQAQTIKHAANIK**

**REPRÉSENTANT DE
L'ENFANCE ET DE LA JEUNESSE**

REPRESENTATIVE FOR
CHILDREN AND YOUTH

867-975-5090 | Toll Free 1-855-449-8118 | contact@rcynu.ca | www.rcynu.ca

2019 Unipkaatit, Nipivit Akirautinut Maliktaghat

AKIRAUTINUT UQAUIIIT

Havaktiuyuq Nutaqqanut Inulramminullu Havakviat (RCYO) quviahuttiaqtut tuhaqtittiyaamik taapkuninnga tallimauliqtut ukiungat Unipkaatit, Nipivit akirautit! Una titirauyaqtitnut akirautauyuq uuktuquplugillu ilihaqtut havaqatigiingniqmik titirauyaqlutik naunaitkutamik, ikluqpak haanganit minguliqhilituk, ahinikluuniit hanauyahirnik tuniyaghanik hapkua ihumagiplugit:

Ilanga 42 talvanngat United Nations *Katimayit Pilaarutainut Nutaqqat*

Ilvit pilaarutiqaqtutit ilihimayaarnik pilaarutinik! Iniqnirit ilihimayaghait pilaarutitit ilihautilugillu ilingnut.

Naunaittiarumaguffi taapkuninnga Ilanga 42, hapkua pivighat hailiyauhimagayut ikayuutighait nutaqqat pilaarutainik-tunngavilingnik ayuiqhainiqmik ilihavingnit:

- **Nutaqqat Pilaarutait taamnal Ilanga 42, pilaarutit ilihimayaamik Pilaarutingnit, makpigaq 3:** nutaqqam pilaarutait qauhitiyauyut;
- **Hunauyut Nutaqqat Pilaarutait?, makpigaq 4:** titiraliuqlugu una naunaitkutaq takupkaqtittilugu ilihavingnit;
- **Ilihavingnit Pivighat Nutaqqat Pilaarutainik-Tunngavilingnit Ayuiqhainiqmut, makpigaq 5-6:** atatarutit titiranngunngariamik, qunngiaghmut, taapkualu RCYO-kut, hanayauhimagayut Nunavunmi pivighat tamangnut puqtuniinut;
- **Havaqatigiiktut: Takuhiuqtut Inuit Inuuhiinit Ikpiguhuutainik Nutaqqallu Pilaarutainik, makpigaq 7-8:** qanuq tamangnik ikayuutighayut inuuhiqattiaqhutik inuuhuktunut, ilagiingnut, nunallaanullu.

AKIRAUTINUT MALIKTAGHAT

1. Taamna 2019 Unipkaatit, Nipivit akirautit angmarahuaq Hivullinmi, Apitilirvik 30, 2019-mi. Akirautit umigahuat uuktuutitillu tuniyauhimagayughat RCYO-nut 5 munngaqtinnagu Qitiqmiutat upluqhiutaigut Unaguiqhiqingmi, Hikutirvia 10-mi, 2019.
2. Akirautit angmaumayuq tamangnut ilihavingnut Nunavunmi ilihaviinut ilihalihaaqtut talvunga puqtuniinut 12-mut. Atauhiuyughaq uuktuutit tamangnit ilihaviyunit ilihavingnit.
3. Uuktuutit ilihagtunit titirauyaqhimayughat ilittuqhitiyunik ilihagtut' ihumainik uqauhiiniklu taapkununnga ***Ilanga 42 talvanngat United Nations Katimayit Pilaarutainut Nutaqqat.***
4. Titiraliqiyit mighaaguuqhutik, ilihaiyit tunihiyughat uuktuutainik kivgaqtuqhugit ilihagtait.
5. Uuktuutit tunihiyaaamik, qaritauyakkut titiraqlugit naunaitkutatit talvunga contact@rcynu.ca:
 - nunallaavit atia;
 - ilihavium atia puqtunialu ilihagtut ilauyut;
 - atit tamaita ilihagtut ilauhimagayut;
 - ilihaiyim atia, hivayautaa, qaritauyakkut titiraqaqvia; taapkualu
 - taututtiarnaqtumik piksautimik akirautigiyaanik (tamaa JPG taamnaluniit PNG piksautinik)

AKIMAYUT TAKTAGHALLU

6. Akirautit qauyihagtaunahuat RCYO-kut havaktiinit ihumaliuqlugit hanatjuhiagut, iluliagut, puqtuniagutlu ilauyut.
7. RCYO-kut pilaarutilgit takupkaqtittiyaamik piksautinik akimayunik qaritauyakkuurutainit, ukium nunngutaanit naunaitkutainik, ilittuqhitiavalliatjutigiplugillu.
8. Akirautinit akimayut ilittuqhitiyauniat RCYO-kunnit Hikutirvia 20-mi, 2019-mi, Nunaptingnit Nutaqqat Upluutaat.
9. Atauhiq taktaghaq aittuqtauniaqtuq tamangnut avighimaniqnut:
 - Ilihalihaaqtut puqtunianut 3 mut
 - Puqtunianit 4-mit Puqtunianut 7-mut
 - Puqtunianit 8-mit Puqtunianut 12 mut
10. Ihumayugut taimaa aittuqtauyughaq ihumaliuqhugu ikayuutauniaqtuq inulrammium pilaarutainut uqauhiinik tuhaqtittiyaamik iniqnirinillu tuhaqtauyaamik naalattiaqhugit – Ilanga 12 talvanngat United Nations *Katimayit Pilaarutainut Nutaqqat*. Taamna aittuqtauniaqtuq taktaghaq akiqarniaqtuq \$500-taalamik, (RCYO-kut akiliqniaqqaat agyaqtautaanut akighait) hunauniarmangaat taktaghaq ihumaliuqtauniaqtuq tamangnit taghihimayunit iliaqtunit taapkualu RCYO kunnit. Hivuanit ukiunit, taktaghanit iliqahiutivagait ulapqitjutighat, ulapqiyat, makpiraat, taimaalu qaritauyaniklu iliaqvingnut.

APIQHUUTIKHAT

RCYO-kut ilikkuuqhutik ikayuqtiuyut havakviuyut taimaa Kavamatkut Nunavunmi (GN) ikayuqpagiaghait pilaarutait ihumagittiaqhugillu inulrammiit Nunavunmiut. Apiqhuutighaqaruvit talvuuna 2019 Unipkaatit, Nipivit akirautinut, nutaqqat pilaarutainut; havaanginut havakvium; ihumaaluutiqaruvilluuniit inulramminik ikayuutainiklu GN-kut havakvianit, aghuuqhutik hivayaquyaffi havakviptingnik taimaa:

- hivayaut **1-855-449-8118** (akiittukkut) talvaniluuniit **867-975-5090** (Iqalungni)
- qaritauyakkut titiraqlutit contact@rcynu.ca, taimaaluuniit
- titiraqlugit tigumiaqtakkut **1-855-449-8118**.

Nutaqqat Pilaarutait taamnalu Ilanga 42, pilaarutitit ilihimayaamik Pilaarutingnit

HUNAUYUT NUTAQQAT PILAAARUTAIT?

Tamangnik inuit pilaarutiqaqtut. Nutaqqat pilaarutait hunaqtauyut tamangnik inulrammiit pihimayaghait, taimaa amirnaittumik aimaviqariamik, taimaaluuniit hulilukaaqtaghainik inulrammiit, taimaa ilihariariamik, taimaa inmingnik ilaitalu ihariagiyainik piyaamingnik ihumaliuttiariamiklu inuuhirmingnik. Taamna United Nations *Katimayit Pilaarutainut Nutaqqat* ilittuqhiti vaktuq pilaarutainik inulrammiit, munaqtaghainiklu kavamatkut iniqnirillu tuniqhihimayaamik pilaarutainut.

Ilangi ilittuqhitiuyut nutaqqat pilaarutainut taapkuanguyut:

- **Ilanga 12** Tamangnik inulrammiit pilaarutilgit tuhaqtittiyaamik uqauhiinik taimaalu tuhaqtauyaamik iniqniriniq ihumagittiaqhugillu.
- **Ilanga 24** Tamangnik inulrammiit pilaarutilgit nakuuniqhakkut aanniaqtailiniqmut ikayuqtauyaamingnik.
- **Ilanga 27** Tamangnik inulrammiit pilaarutilgit niqighaqariamik, aannuraaqariamik, amirnaittumiklu aimaviqariamik.
- **Ilanga 30** Tamangnik inulrammiit pilaarutilgit atuqpagamik ilitquhiinik, uqauhiinik, ukpiruhuutainiklu.
- **Ilanga 34** Tamangnik inulrammiit pilaarutilgit amirnaiqhimayaamik nuliaqtunik aanniqauniqmitlu.
- **Ilanga 42** Tamangnik inulrammiit pilaarutilgit ilihimayaamik pilaarutainik.

Pilaarutiniq tigumiaqtitut, inulrammiit munaqtaghalgittauq. Ilanga 28 taamnalu 29, ilittuqhiti valliayuuq nutaqqat pilaarutainik ilihaqtitauyaamik, qaffiniklu munaqtaghainik inulrammiit ilaitalu taimaa inulrammiq ilihariaqpagiamik iniqhivagamiklu ilihaqtainik.

HUUQ KAVAMATKUT IKAYUQTAGHAI NUTAQQAT PILAAARUTAIT?

Kanata atiliqhiqgamik talvani United Nations *Katimayit Pilaarutainut Nutaqqat* 1991-mi, kavamatkut angiqhimayut ikayuriamik pilaarutainik inulrammiit. Taimaatut tamangnik inulrammiit nunalgit Kanatami ayuqnaittumik ihariagiyait pihimayaghait inuuhiqattiariamik, angutaugumik arnaugumikluuniit, nunaqqaangigut, ukpiruhuutaigut, nunaqataigut, nularuhiagut, taimaalu/uniit nunagiyaagut.

NUTAQQAT PILAAARUTAIT ILAITALU

Nutaqqat pilaarutait aghuuqhautaunngittut inulramminut pittiaqtailinirmut tuhaqtailiniqmullu iniqniriniq inuuhirmingnit. Taimaa kihimi, United Nations *Katimayit Pilaarutainut Nutaqqat* munarahuaqpagait ilagiit ilittuqhiti plugit ihariagiyayut havaaghait ilaita inulramminut. Tamaita inuit pilaaruti qaramik, tamangnik inuit ihumagittiaqtaghait pilaarutait ahiit, ilaitalu, inutquuqatigiingit, nunallaaqmiullu.

Titiranunngaqlugu makpiraq 4 nivinngaqlugu ilihaqvingnit! ►

HUNAUYUT NUTAQQAT PILAARUTAIT?

Tamangnik inuit pilaarutiqaqtut.

Nutaqqat pilaarutait hunauyut tamangnik inulrammiit pihimayaghait, taimaa amirnaittumik aimaviqariamik, taimaaluuniit hulilukaaqtaghainik inulrammiit, taimaa ilihariariamik, taimaa inmingnik ilaitalu ihariagiyainik piyaamik ihumaliuttiariamiklu inuuhirmingnik.

Ikayuqhugit pilaarutitit, kavamatkut pihimayughat taimaa ilingnut ilangnullu ayuqnaittumik atuqtitauyaamik hapkuninnga.



ᓄᑦᑕᑦᑕᑦᑕ ᓄᑦᑕᑦᑕᑦᑕ
ᓄᑦᑕᑦᑕᑦᑕ

NUTAQQANUT INULRAMIRNULLU
UQAOTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

Apiqhuutighaqaqqit nutaqqat pilaarutait mighaagut?

Titiraqlugit hivayaatikkuut hivayaqlugilluuniit akiittumut: 1-855-449-8118

Qaritauyakkuurutaa: contact@rcynu.ca

Pulaaqlugu: www.rcynu.ca

Ilihaqvingnit Pivighat Nutaqqat Pilaarutainik-Tunngavilingnit Ayuiqhainiqmut

TTIRANUNNGAQLUGIT PIVIGHAT TALVUUNA NUTAQQAT PILAARUTAIT

UNICEF: Taamna Katimayit Pilaarutainut Nutaqqat taimaa ayuqnaittukkut nutaqqat uqauhiigut

Naunaitkutaq ilittuqhivitaktut United Nations-kut *Katimayit Pilaarutainut Nutaqqat* taapkualu nutaqqat pilaarutait ayuqnaittukkut, ilitturinnaqtukkut uqauhiklut.

Inuktitut: www.rcynu.ca/sites/rcynu.ca/files/Inuktitut%20CRC%20Poster.pdf

Inuinnaqtun: www.rcynu.ca/sites/rcynu.ca/files/Final%20Inuinnaqtun%20Rights%20Poster%20High%20Res.pdf

Uiviititut: www.rcynu.ca/sites/rcynu.ca/files/French%20CRC%20Poster_0.pdf

Qablunaatitut: www.rcynu.ca/sites/rcynu.ca/files/English%20CRC%20Poster.pdf

UNICEF Naunaittughat: Naunaitkutat naittut pilaarutainut ataagut United Nations Katimayit Pilaarutainut Nutaqqat

Una UNICEF-kunnit hanayauhimayut naunaittughat naittunik naunaiqhivitaktut ilanganik United Nations *Katimayit Pilaarutainut Nutaqqat* ilittuqhivitaghuni munaqtaghainik iniqnirit kavamalla ikayuriamik nutaqqat pilaarutainik

Uiviititut: <https://www.unicef.org/fr/convention-droits-enfant/la-convention>

Qablunaatitut: <https://www.unicef.org/child-rights-convention/what-is-the-convention>

Children's Rights Activity Guide (Nutaqqat Pilaarutainik Huliyaghanut Maliktaghat)

Quviahuutigiplugu Nunaptingni Nutaqqat Upluutaanik, kavamatuqakut makpiraaliquhimayut 24-nik makpiralingnik huliyaghalik ihumagiplugit nutaqqat pilaarutait.

Uiviititut: <https://www.canada.ca/content/dam/phac-aspc/documents/services/health-promotion/childhood-adolescence/national-child-day/children-s-rights-activity-guide/cdaguide-fra.pdf>

Qablunaatitut: <https://www.canada.ca/content/dam/phac-aspc/documents/services/health-promotion/childhood-adolescence/national-child-day/children-s-rights-activity-guide/cdaguide-eng.pdf>

VIDEO RESOURCES ABOUT CHILD RIGHTS

We've All Got Rights (Tamapta Pilaarutiqaqtugut)

Alianaqtut atutuuyaq qunngialiquhimayuqlu hanayauhimayut nutaqqanit havaktinillu talvani Crosby Angayughiit Ilihaqvianit, Liverpool-mi, England-mi, pilaarutit mighaagut.

Qablunaatitut: https://www.youtube.com/watch?v=LN_70HXxd5Y

United for Human Rights (Atauhiuyut Inuit Pilaarutainut)

Una pivighaq amihunik naittunik qunngialiquhimayunik qunngiagahalik inuit pilaarutainut taapkualu, hunayut inuit pilaarutait, inuit tuhaayaghait ilikkuuqtut pilaarutainut, qunngiagaghamiklu munaqtaghapingnik pilaarutiqaqtutut.

Qablunaatitut: <https://www.humanrights.com/>

RCYO-KUT NUTAQQAT PILAAUTAINUT PIVIGHAT

Ilihaqtittiyaamik inulrammirnik Nunavunmiunik pilaarutainut aghuuqhaqhgugillu tuhaqtittiyaamik pilaarutait mighaagut, RCYO-kut hanahimaliqtut taapkuninnga *Raise Your Voice: Self-Advocacy Workshop (Nipiqquqtuhilugu Nipiit: Inmingnik-Ikayuqtut Katimaviat)*. Huliyaqhat katimaviptingnit titiranunngalaaqtut qaritauyakkurutiqtupingnit atuqtauuyughat ilihaqvingnit.

Pilaarutitut Ulapqiyaghaq

Una ulapqiyaghaq alianaqtuq ilihaqtunut ayuiqhayaamik pilaarutainik ataagut taapkua United Nations *Katimayit Pilaarutainut Nutaqqat*.

Inuktitut: <https://rcynu.ca/iu/whats-new/resources/rights-dice-game>

Inuinnaqtun: <https://rcynu.ca/ius/whats-new/resources/pidjutikhaq-daisinik-ulapqiuyaaqat>

Uiviititut: <https://rcynu.ca/fr/whats-new/resources/jeu-de-d%C3%A9s-sur-les-droits>

Qablunaatitut: <https://rcynu.ca/whats-new/resources/rights-dice-game>

R 'n R Huliyaqhaq

Una huliyaqhaq unipkaaqvighatqiyuq ilihaqtunut munaqtaghait mighaagut pilaarutiqarniqmut. Taimaatut, iqimmiyaamik pilaarutainik ilitquhiqarniqmik taimaa nunamut aullaqqtariamik munaqtaghalgillu parnaihimayaamik ihariaginiaqtainik, unniutjiplutik humunngauniariaghainik, imaalu quyaginnaq iqqakuqtailiniqmik.

Inuktitut: <https://rcynu.ca/iu/whats-new/resources/r-%E2%80%98n-r>

Inuinnaqtun: <https://rcynu.ca/ius/whats-new/resources/unaguikhiqluni-hulilukaagutighat-pilaarutainun-uvalu-munaridjutaillu>

Uiviititut: <https://rcynu.ca/fr/whats-new/resources/activit%C3%A9-sur-les-droits-et-responsabilit%C3%A9s>

Qablunaatitut: <https://rcynu.ca/whats-new/resources/r-%E2%80%98n-r-activity-rights-and-responsibilities>

Mosesie Speaks Up (Mosesie Nipliqhuni Uqaqpalliyuq) (ahiaqut huliyaqhaqaaqtut)

Mosesie Speaks Up (Mosesie Nipliqhuni Uqaqpalliyuq) puqtunianik 3-mi taiguaqtaghauyuq makpiraaq hanayauhimayuq RCYO-kunnit, Inhabit Ilihaqtuliyiqiit (Inhabit Education) unalu Havakviat Ilinniaqtuliyiqikkut, taapkununnga havakviup taigauullaghainiqmut aullaqtihimayaat Uqalimaariuqsaniq. Hapkunani unipkaanit Mosesie ayuiqhavaktuq nutaqqat pilaarutainik, ikayuqtighanik, taapkuninngalu inuuhiqattiaqhutik aulattiarniqmut havauhirnik.

Titiranunngaqlugu *Mosesie Speaks Up (Mosesie Nipliqhuni Uqaqpalliyuq)* ahiillu huliyaqhat hamani:

Inuktitut: piinnarialik makpiraaliuqhimayut titiranunngariamiklu

<https://rcynu.ca/iu/whats-new/resources/mosesie-speaks>

Inuinnaqtun: hanayauyut huli

Uiviititut: titiranunngainnarialgit

<https://rcynu.ca/fr/whats-new/resources/mosesie-fait-valoir-ses-droits-0>

Qablunaatitut: piinnarialik makpiraaliuqhimayut titiranunngariamiklu

<https://rcynu.ca/whats-new/resources/mosesie-speaks-0>

Makpiraaliuqhimayunik piyaamik taapkuninnga *Mosesie Speaks Up (Mosesie Nipliqhuni Uqaqpalliyuq)*, hivayaqlugu havakvikput taimaa:

- hivayaut **1-855-449-8118** (akiittukkut) talvaniluuniit **867-975-5090** (Iqalungni)
- qaritauyakkut titiraqlutit contact@rcynu.ca, taimaaluuniit
- titiraqlugit tigumiaqtakkut **1-855-449-8118**.

Havaqatigiiktut: Takuhiuqtut Inuit Inuuhiiit Ikpiguuutainik Nutaqqallu Pilaarutainik

Nutaqqat pilaarutainut titiqqat ilitturinnaqtut talvani United Nations *Katimayit Pilaarutainut Nutaqqat* taapkualu inuit ikpiguuutait amihunik kipuktaqtunik ihumayalgit tamangnik ikayurahuaramik inuuhiqattiarumik inulramminik, ilaitalu, nunallaangilu. Ukuat uuktuutigilugit:

Tunnganarniq ilittuqhitiuyuq havaaghainik angmaumaniqmik, tunngahuktittiniqmik, ilaupkaivaghutik ihuatqiyakkut ilagittiarahuarniqmik.

Ilanga 2: Tamangnik nutaqqat pilaarutiqaqtut, kinaungmangaat, nani nunaqarmangaat, angayuqqaangi hulivagiaghait huginngittugu, qanuq uqauhiqarmangaat, humik ukpiruhuutiqaarmangaat, angutaungmangaat arnaungmangaat, qanuq ilitquhiqariaghait, pimmarluutiqaarumik, ilingattiarumik ilingaitkumikluuniit. Nutaqqat pittiaqtauyughat tamaat.

Inuuqatigiitsiarniq ikkuqaqtigiyaqqut ihumagittiarumik munattiarumiklu ahiit inuit ilagiingniillu taimaa inuuyumaaqtugut haimaniqmi.

Ilanga 29: Ilihaqhimayatit ikayuutauyughat ilingnut atuqpalliahimmaaqhugit ilihimayanut ayuitanullu. Ikayuutighariyallu ayuiqhayaamik inuuhiqarniqmik haimaniqmi, munarilugu avativut, ihumagittiaqlugillu ahiit inuit.

Aajiiqatigiinniq ihumaliurniqmut ikayuutauyut unipkaaqtigiingnikkut angiqhimagiingnikkullu.

Ilanga 12: Ilvit pilaarutiqaqtutit tuhaqtittiyaamik uqauhirnik taimaalu tuhaqtauyaamik iniqniririk ihumagittiaqlugillu.

Pilimmaksarniq/Pijariuqsarniq ayuiqhainiqmik ayuittiarniqmiklu nutaanik ilihimayaghanik tautughutik, uqautjiplutik, ayuiqhaiplutik, uuktuqattaqhutiklu.

Ilanga 12: Ilvit pilaarutiqaqtutit tuhaqtittiyaamik uqauhirnik taimaalu tuhaqtauyaamik iniqniririk ihumagittiaqlugillu.

Ilanga 29: Ilihaqhimayatit ikayuutauyughat ilingnut atuqpalliahimmaaqhugit ilihimayanut ayuitanullu. Ikayuutighariyallu ayuiqhayaamik inuuhiqarniqmik haimaniqmi, munarilugu avativut, ihumagittiaqlugillu ahiit inuit.

Ilanga 30: Ilvit pilaarutiqaqtutit atuqpagiami ilitquhiit, uqauhiit, ukpiguuutuniklu. Ikittut nuatqatigiit nunaqaaqahimayullu katimaqatigiit munaqtauyughat pilaarutingnit hapkuningga.

Avatittinnik Kamatsiarniq mighaaguuqtut ihumagittiarumik munaqhittiarumiklu nunamik, anngutigghanik, avatiniklu.

Ilanga 29: Ilihaqhimayatit ikayuutauyughat ilingnut atuqpalliahimmaaqhugit ilihimayanut ayuitanullu. Ikayuutighariyallu ayuiqhayaamik inuuhiqarniqmik haimaniqmi, munarilugu avativut, ihumagittiaqlugillu ahiit inuit.

Ilanga 30: Ilvit pilaarutiqaqtutit atuqpagiami ilitquhiit, uqauhiit, ukpiguuutuniklu. Ikittut nuatqatigiit nunaqaaqahimayullu katimaqatigiit munaqtauyughat pilaarutingnit hapkuningga.

Piliriqatigiinniq/Ikajuqtiigiinniq aghuuqhutik havaqatigiiquiyut atauttimut ihumagiyaptingnut.

Ilanga 4: Kavamatkut havaaghalgit taimaa pilaarutitit munaqtauyaamik. Ikayuqtughayut ilagiingnik munariyaamik pilaarutainik avatiliuqlutik aklittiqvigharnik imaalu ayuiqhaqpaallirvigharnik.

Ilanga 12: Ilvit pilaarutiqaqtutit tuhaqtittiyaamik uqauhirnik taimaalu tuhaqtauyaamik iniqniririk ihumagittiaqlugillu.

Ilanga 13: Ilvit pilaarutiqaqtutit ilittuqhiyaamik ilittuqhitiyaamiklu ihumangnik ahinut, unipkaaqhutik, titirauyaqhutik, titiraqhutik qanuqluuniit ihuinaarutaunngitkumi ahinut.

Ilanga 17: Pilaarutiqaqtutit naunaiqtitauyaamik aghuurnaqtunik inuuhirnut, naalautingnit, tuhaayaghanit, makpiraanit, qaritauyanit, ahinillu pivighanit. Iniqnirit ilihimayughat amirnaitaaghainik naunaitkutatat, ikayuqtughaplutik nanihiyaamik ilihimayaamiklu naunaitkutatat ihariagiyatit.

Ilanga 42: Ilvit pilaarutiqaqtutit ilihimayaarnik pilaarutainik! Iniqnirit ilihimayaghait pilaarutitit ilihautilugillu ilingnut.

Pijitsirniq mighaaguuqtuq ikayuqtuiniqmik niqighaqaqtittiniqmiklu ilagiingnik nunallaqmiuniklu. Hivuliqtiuniqmut mighaaguuqtuq hanaqiniqmiklu ahinut inungnut. Ikayuqtuiniqmik ahinik nakurutauyuq tamangnut mighaaguuqtuq.

Ilanga 3: Tamangnik iniqnirit ihuariyanik hulilukaaqtughat. Iniqnirit ihumaliuraangamik, ihumagiyaghait qanuq ihumaliugait mihingnaqniaqtut nutaqqanut.

Ilanga 4: Kavamatkut havaaghalgit taimaa pilaarutitit munaqtauyaamik. Ikayuqtughayut ilagiingnik munariyaamik pilaarutainik avatiliuqlutik aklittiqvigharnik imaalu ayuiqhaqpaallirvigharnik.

Ilanga 5: Ilatit munaqtaghalgit ikayuriamik ilingnik ayuiqhatillutit atuqpauhianik pilaarutitit, imaalu pilaarutitit munaqtauyaamik.

Ilanga 12: Ilvit pilaarutiqaqtutit tuhaqtittiyaamik uqauhirnik taimaalu tuhaqtauyaamik iniqniririk ihumagittiaqlugillu.

Ilanga 14: Ilvit pilaarutiqaqtutit tikkuqaqhiyaamik ukpiruhuutingnik ukpiriyarniklu. Angayuqqaatit ikayuqtughat ihumaliuqhutit pittiariniqmik ihuilutiniklu, qanuqlu ihuatqiyaniariaghaat ilingnut.

Ilanga 15: Ilvit pilaarutiqaqtutit tikkuqaqhiyaamik ilannarnik ilauyaamiklu aullaqtittiyaamiklu katimaqatigiingnik, ihuilutaunngitpat ahinut.

Ilanga 26: Ilvit pilaarutiqaqtutit ikayuqtayumayaarnik kavamatkunnit ilingaitkuvit ihariattiguvilluuniit.

Qanuqtuurniq mighaaguuqtuq hanatuniqmik pivighaqaattiarniqmiklu.

Ilanga 13: Ilvit pilaarutiqaqtutit ilittuqhiyaamik ilittuqhitiyaamiklu ihumangnik ahinut, unipkaaqhutik, titirauyaqhutik, titiraqhutik qanuqluuniit ihuinaarutaunngitkumi ahinut.

Ilanga 28: Ilihaqhimayatit ikayuutauyughat ilingnut atuqpalliahimmaaqhugit ilihimayanut ayuitanullu. Ikayuutighariyallu ayuiqhayaamik inuuhiqarniqmik haimaniqmi, munarilugu avativut, ihumagittiaqlugillu ahiit inuit.